



UNIVERSITÄTS-
BIBLIOTHEK
PADERBORN

Universitätsbibliothek Paderborn

Directorivm Sacerdotale & Clericorum Specvlvm Insigni Pietatis Ac Devotionis Supellectili exuberans

Kinckius, Matthias

Coloniæ, 1662

De puritate,

[urn:nbn:de:hbz:466:1-46628](https://nbn-resolving.org/urn:nbn:de:hbz:466:1-46628)

dignitatem vocatus est, Missamque eodie peragere instituit, opus est, ut tempore convenienti dignam adhibeat preparationem, quæ in his, 4. præcipue consistit, scilicet: 1. Vitæ puritate. 2. Intentionis rectitudine. 3. Devotionis excitatione. 4. Et generali eorum, quæ sibi, alijsque necessaria sunt, postulatione.

§. 1. De puritate.

CHRIStus Dominus, quamvis Apostolis (quos Sacerdotes consecraturus, & Sacros. Eucharistia refecturus erat) dixisset. *Ioan. 13. 10. Vos mundi estis*, tamen illud etiam adjecit: *Qui lotus est non indiget, nisi ut pedes lauet*; indicat homini, etiam à peccatis gravioribus, libero, affectu inordinatos (qui sunt animæ pedes, abluendos esse. Et si in Veteri Testamento) ubi tantum huius divinissimi sacrificij umbra erat) mandabatur, *Levitici. 2. Omnis qui accesserit ad ea, qua consecrata sunt in eo, in quo est immunditia peribit coram Domino, quantus candor, & quam insignis immundities ac dignitas, à Sacerdote Novi Testamenti*

menti

menti (qui rem tam divinam tractat,)
 exigeretur ? Major sanè in immensum
 est sacrificij vestri, puritas, ac tanto ma-
 jorem Sacerdotum puritatem exquiret.
 Adèdè ut sanctus Gregorius Nazianze-
 nus Apolog. 1. affirmet neminem ad dig-
 nè celebrandum , novæ legis sacrificium
 idoneum esse , qui non seipsum prius
 Deo *hostiam vivam ac sanctam* exhibue-
 rit. Atque hujus puritatis defectus, sæpe
 in causa est, cur Sacerdotes non pauci,
 tam parvum, ex frequenti huius divini
 sacrificij usurpatione , fructum perci-
 piant. Ad eum modum, quò Judæis pa-
 rum pijs *Aggeus Propheta* (cap. 1. 6. dice-
 bat : *Comedistis panem Angelorum, &
 non estis satiati fructu eius: bibistis sangui-
 nem ejus pretiosissimum, & non estis in-
 ebriati à vino purissimæ charitatis Dei,
 & qui congregavit mercedes, thesauros sci-
 licet Christi Salvatoris in quo habitavit
 plenitudo divinitatis corporaliter Coloss. 2.
 misit eas in saccum pertusum, in cor distra-
 ctum ac vanitatibus discissum, nullum
 inde fructum colligentes. Ne tamen
 omnino diffidas si hunc ornatum tibi
 deesse videris, cum aliqua corporis af-
 flictione, cordis compunctione ac fre-*
 quen-

quenti quotidianorum defectuum confessione farcire satagas.

Paragr 2. *De rectitudine intentionis.*

Puritatem internam mentis sequitur *rectitudo intentionis* quæ efficit, ut sacrificium hoc, ad Dei gloriam ordinatum, tantum ad eandem gloriam, vel quæ, ad illam spectant, referatur. Qui aliter celebrat, dignus est ab omnibus deplorari, prout etiam S. Bonaventura tract. de preparat. ad Missam cap. 3. deplorat hisce verbis: *Va, va, va, Domine Deus, quanti hodie infelices ad sacros ordines accedunt, & divina mysteria accipiunt, non cœlestem panem, sed terrenum quærentes non spiritum, sed lucrum, non Dei honorem, sed suam ambitionem, non salutem animarum, sed questum pecuniarum; &c.* Quia & illud peculiariter cavendum est, ne ex sola quadam arida & insipida consuetudine ad sacrificium offerendum atcedas, sed excelsum aliquem, cœlestem ac sublimem finem tibi actuali intentione proponas. Quales sunt, qui sequuntur: Dei honorem, nostrumque aut proximi etiã commodum spectantes; id est, Spiritua-
lis